

春秋地名辨異
春秋左傳分國土地名



春秋地名辨異

春秋識小錄之一

程廷祚撰

叢書集成初編

(補印本)

春秋地名辨異及其他一種

一九三九年十二月初版
一九六〇年五月補印

商務印書館出版

上海洪興印刷廠印刷

自序

地理沿革。古者靡得而稱。春秋則不可殫述矣。昔塗山之朝。孟津之會。諸侯不可勝數。周室東遷。大國多至數圻。其狡焉思啓封疆者。何國蔑有。往昔諸侯。大抵爲春秋之縣邑矣。加以疆域所介。一彼一此。建置之滋多。名號之繁賾。非事變使然哉。春秋之中。有一地數名者。有數地一名者。異同未析。每多淆混。夫兩漢之際。劉昭以爲稱號糾紛。南北之時。沈約以爲巧厯莫算。蓋謂沿革之難詳也。余采舊說。爲春秋地名辨異。以著沿革所自始。而世運之污隆。亦從可觀焉。上元程廷祚。

春秋地名辨異

卷上 一地二名 一地三名 一地四名 一地七名

清 程廷祚纂

〔鄭〕 〔祝融之虛〕

隱元年見經。昭十七年鄭祝融之虛也。

〔蔑〕 〔姑蔑〕

隱元年公及邾儀父盟于蔑。魯地杜曰蔑姑蔑也。

定十二年國人追之敗諸姑蔑。

〔鄢〕 〔鄢陵〕

隱元年鄭伯克段于鄢。鄢地杜曰潁川鄢陵縣。

成十六年晉楚戰于鄢陵。襄十三年楚子疾告大夫曰不穀不德而亡師于鄢。

〔廩延〕 〔酸棗〕

隱元年叔段侵鄭至于廩延。襄三十年游吉奔晉駟帶追之盟于酸棗。志云開封府延津縣北十五里有酸棗城本鄭廩延邑。

〔唐〕 〔棠〕

隱二年公及戎盟于唐。魯地杜曰高平方與縣北有武唐亭下同。

隱五年公矢魚于棠。國語管子勸齊桓公反魯侵地棠潛堂蓋卽此棠也。

〔齊〕 〔蒲姑〕

隱三年見經。昭二十年蒲姑氏因之。昭九年疏曰：蒲姑，齊也。

〔陳〕〔大皞之虛〕

隱四年見經。昭十七年陳大皞之虛也。

〔長葛〕〔縑葛〕

隱五年宋人伐鄭圍長葛。桓五年鄭與王師戰于縑葛。顧景范云：即長葛也。

〔垂〕〔犬邱〕

隱八年宋公衛侯遇于垂。垂地。傳作犬邱。杜曰：犬邱垂也。

〔薛〕〔舒州〕

隱十一年見經。哀十四年齊陳恆執其君于舒州。薛地。在春秋之季亦曰舒州。郡國志：六國時曰徐州。顧亭林曰：徐音舒是也。

〔時來〕〔邾〕

隱十一年公會鄭伯于時來。鄭地。杜曰：時來，邾也。傳作邾。

〔許〕〔舊許〕

隱十一年見經。襄十一年諸侯伐鄭。晉荀營東侵舊許。杜曰：許之舊國。鄭新邑。

〔樊〕〔陽樊〕

隱十一年王與鄭人蘇忿生之田樊。杜曰：一。名陽樊。僖二十五年王與晉侯陽樊。國語：作陽。

〔隰郛〕 〔隰城〕

隱十一年王與鄭人蘇忿生之田隰郛。僖二十五年取太叔于溫。殺之于隰城。

〔盟〕 〔河陽〕

隱十一年王與鄭人蘇忿生之田盟。盟晉

僖二十八年天王狩于河陽。志云：孟縣西南二十里有河陽城。即此。按服虔賈逵皆以河陽爲

溫邑。酈道元辨其非。一云向邑。

〔陘庭〕 〔熒庭〕

桓二年哀侯侵陘庭之田。晉地

襄二十三年齊侯伐晉張武軍于熒庭。顧景范云：即陘庭也。

〔州〕 〔涇于〕

桓五年州公如曹。州國名

傳作涇于公。杜曰：涇于州國所都。

〔梁〕 〔少梁〕

桓九年梁伯與虢仲同伐曲沃。梁國名。後爲秦邑。杜曰：在馮翊夏陽縣。下同。

文十年晉伐秦取少梁。

〔荀〕 〔郇瑕〕

桓九年荀侯與虢仲同伐曲沃。荀國名。亦作郇。僖二十四年。畢原郇。後爲晉地。

成六年晉人謀去故絳。諸大夫皆欲居郇瑕

氏之地。服虔云：郇國在解縣東。郇瑕氏之墟也。

〔穀邱〕 〔句瀆之邱〕

桓十二年公會宋公燕人盟于穀邱。傳作句瀆之邱。杜云：卽穀邱也。

〔盧戎〕 〔盧〕

桓十三年羅與盧戎兩軍之。文十六年自廬以往。地理志：南郡有中廬縣。郡國志：古廬戎地也。

〔鄆〕 〔小邾〕

莊五年鄆犁來來朝。鄆附庸國名。 僖七年小邾子來朝。其後或仍稱鄆。襄六年齊侯滅萊，遷萊于鄆。

〔穀〕 〔小穀〕

莊七年夫人姜氏會齊侯于穀。齊地。其後屢見經傳。杜曰：濟北穀城縣。下同。 莊三十二年城小穀。案范甯以小穀爲魯地。今仍從杜說。

〔乾時〕 〔彤〕

莊九年及齊師戰于乾時。齊地。 襄三年齊侯與晉士匄盟于彤外。哀十四年及彤。水經：瓠河東爲時水。注：卽彤水也。

〔荊〕 〔楚〕

莊十年荊敗蔡師于莘。按商頌已曰荆楚。楚之稱荆久矣。 僖元年楚人伐鄭。

〔濟〕 〔魯濟〕

莊十八年公追戎于濟西。莊三十年公及齊侯遇于魯濟。杜曰：濟水歷齊魯界。在魯界爲魯濟也。

〔蘇〕 〔溫〕

莊十九年周五大夫作亂。因蘇氏。蘇國名。孔穎達曰：都于溫。 僖十年狄滅溫。蘇子無信也。後爲晉地。

〔二屈〕〔屈〕

莊二十八年。蒲與二屈。君之疆也。二屈。晉地。杜曰。二屈爲北。

又云。夷吾居屈。

〔霍〕〔霍人〕

閔元年。晉滅霍。國名。後爲晉邑。襄十年。晉滅偃陽。使周內史選其族嗣。納諸霍人。

〔榮澤〕〔榮〕

閔二年。及狄人戰于榮澤。成十六年。衛懿公唯不去其旗。是以敗于榮。

〔榿〕〔榮〕

僖元年。公會齊宋鄭曹及邾人于榿。宋地。傳作榮。杜曰。即榿也。

〔方城〕〔城〕

僖四年。楚國方城以爲城。昭十三年。君陳蔡。城外屬焉。杜曰。城。方城也。

〔漢〕〔夏〕

僖四年。楚國漢水以爲池。昭十三年。王泓夏將欲入郢。杜曰。夏。漢別名。

〔新城〕〔新密〕

僖六年。諸侯伐鄭。圍新城。杜曰。新城。鄭新密。傳作新密。

〔泉皋〕〔前城〕

僖十一年楊拒泉皋伊洛之戎同伐京師。泉皋戎邑。昭二十二年子朝之亂司徒醜以王師敗績于前城。

服虔云前禮爲泉即泉戎之地也。

〔伊洛之戎〕〔雒戎〕

僖十一年見前文八年公子遂會雒戎盟于暴。

〔鄆〕〔鄆衍〕

僖十四年季姬及鄆子遇于防。鄆小國名後莒滅爲邑。昭四年魯乘莒亂取鄆。

哀七年公會吳于鄆傳一作鄆衍。杜曰鄆衍即鄆也。

〔韓〕〔韓原〕

僖十五年晉侯即秦伯戰于韓。晉地。傳作韓原。

〔英氏〕〔蓼〕

僖十七年齊人徐人伐英氏。文五年楚子燮滅蓼。通考云英即蓼也。按史記禹封臯陶之後于英六而傳以六與蓼爲臯陶之後則英之即蓼可知矣。

〔陸渾之戎〕〔陰戎〕

僖三十二年秦晉遷陸渾之戎于伊川。昭九年晉人帥陰戎伐潁。杜曰陰戎陸渾之戎。

〔夷〕〔城父〕

僖二十三年楚人伐陳取焦夷。陳二邑。昭九年楚遷許于夷實城父。杜曰此時改城父爲夷故傳實之。

〔臼衰〕〔臼〕

僖二十四年取臼衰。晉邑。杜曰：河東解縣東南有臼城。 僖三十七年有臼季。

〔蔣〕 〔期思〕

僖二十四年凡蔣邢茅。蔣：國名。後爲楚邑。 文十年期思公復遂。水經：淮水又東過期思縣北注縣。故蔣國也。

〔商密〕 〔三戶〕

僖二十五年楚鬬克屈禦寇以申息之師戍商密。哀四年以畀楚師于三戶。水經注：丹水縣西南有密陽鄉。古商密之地。春秋之三戶矣。

〔析〕 〔白羽〕

僖二十五年秦晉伐都過析。昭十八年楚遷許于析。實白羽。杜曰：時白羽改爲析。

〔翟泉〕 〔澤邑〕

僖二十九年會王人諸侯之大夫盟于翟泉。昭二十三年天王居于翟泉。周地。 昭二十三年王師在

澤邑。史記：敬王居澤。賈逵曰：澤邑名。卽狄泉也。

〔清原〕 〔清〕

僖三十一年晉蒐于清原。成十八年晉大夫逆周子于清原。晉地。 宣十三年赤狄伐晉及清。杜曰：清一名清原。

〔原圃〕 〔圃田〕

僖二十三年鄭有原圃。定四年圃田之北竟。爾雅：十藪。鄭有圃田。郡縣志：圃田澤一名原圃。

〔董〕〔董澤〕

文六年晉蒐于董晉地宣十二年廚武子曰董澤之蒲可勝既乎郡國志河東聞喜縣有董池陂古董澤注引改蒐于董

〔郛〕〔郛郛〕

文六年晉賈季召公子樂于陳趙孟使殺諸郛晉地襄二十三年齊侯伐晉戊郛郛郡國志河東長垣縣有郛亭亦曰郛郛

〔鄭瞞〕〔長狄〕

文十一年鄭瞞侵齊鄭瞞狄國名又云獲長狄僑如

〔黃父〕〔黑壤〕

文十七年晉侯蒐于黃父晉地杜曰一名黑壤宣七年公會晉侯宋公衛侯鄭伯曹伯于黑壤傳與黃父互稱

〔萊〕〔邾〕

宣七年魯會齊伐萊國名後齊滅爲邑襄十四年衛侯出奔齊齊人以邾寄衛侯

〔沈〕〔寢〕

宣十二年沈尹將中軍杜曰沈或作寢哀十八年有寢尹

〔留吁〕〔純留〕

宣十六年晉人滅赤狄甲氏及留吁襄十八年晉人執衛行人孫蒯于純留水經注絳水東逕屯留縣故城南故留吁國也又

晉執孫蒯于此

〔斷道〕〔卷楚〕

宣十七年諸侯同盟于斷道晉地

傳作卷楚杜曰即斷道

〔蠻氏〕〔戎蠻〕

成六年蠻氏與諸侯之大夫侵宋蠻氏戎別種杜曰河南新城縣東南有蠻城下同昭十六年楚子誘戎蠻子殺之

〔新田〕〔絳〕

成六年晉遷于新田其後仍稱絳

〔葉〕〔許〕

成十五年楚公子申遷許于葉楚地昭九年許自葉遷夷楚遷方城外人于許杜曰前許遷于葉謂之許許即葉也因

〔狐駘〕〔駘上〕

襄四年臧紇侵邾敗于狐駘邾地哀二十七年越使后庸來言邾田封于駘上

〔魚陵〕〔魚齒〕

襄十八年楚師伐鄭次于魚陵鄭地杜曰魚陵魚齒山也又云涉于魚齒之下

〔祝柯〕〔督揚〕

襄十九年諸侯盟于祝柯齊地傳作督揚杜曰即祝柯也

〔揚〕〔揚氏〕

襄二十九年。霍揚韓魏。揚。國名。晉滅爲邑。昭二十八年。魏獻子以僚安爲揚氏大夫。

〔陽〕〔唐〕

昭十二年。齊高偃帥師納北燕伯于陽。杜曰。陽即唐燕別邑。傳作唐。

〔鮮虞〕〔中山〕

昭十二年。晉伐鮮虞。白狄別種。定四年。晉荀寅曰。中山不服。哀三年。齊衛圍戚。求援于中山。杜曰。中山鮮虞。

〔鄆〕〔啓陽〕

昭十八年。邾人入鄆。小國名。杜曰。今琅邪開陽縣。下同。哀三年。城啓陽。

〔鄆陽〕〔鄆〕

昭十九年。楚子在蔡鄆陽。封人之女奔之。昭二十三年。楚太子建之母在鄆。

〔紀鄆〕〔紀〕

昭十九年。莒子奔紀鄆。又云。齊師入紀。釋例。以爲一地二名。

〔京〕〔京楚〕

昭二十二年。子朝奔京。周地。又云。王師軍于京楚。杜曰。子朝所在。

〔陰〕〔平陰〕

昭二十二年。晉師軍于陰。昭二十三年。晉師在平陰。志云。平陰即陰也。

〔訾〕〔東訾〕

昭二十三年。單子取訾。杜曰：訾在河南鞏縣西南。下同。

昭二十四年。與之東訾。二十五年。尹文公涉于鞏。焚東

〔拔〕〔郟〕

定三年。仲孫何忌及郟子盟于拔。傳作郟。杜曰：郟即拔也。

〔房〕〔堂谿〕

昭四年。胡沈道房。房。國名。定五年。吳王弟夫概王奔楚。爲堂谿氏。堂谿。即故房國。漢置吳房縣。

〔沙〕〔瑣〕

定七年。齊侯衛侯盟于沙。傳作瑣。晉地道記曰：元城縣南有瑣陽城。即沙也。

〔五氏〕〔寒氏〕

定九年。齊侯衛侯次于五氏。晉地。定十年。初。衛侯伐邯鄲。午于寒氏。杜曰：寒氏。即五氏也。

〔夾谷〕〔祝其〕

定十年。公會齊侯于夾谷。齊地。傳云。公會齊侯于祝其。實夾谷。杜曰：夾谷。即祝其也。

〔垂葭〕〔郟氏〕

定十三年。齊侯衛侯次于垂葭。衛地。傳云。實郟氏。杜曰：垂葭。改名郟氏。

〔牽〕 〔脾上梁之間〕

定十四年公會齊侯衛侯于牽。
傳作脾上梁之間。杜曰：卽牽也。

〔渠蔭〕 〔蘧挈〕

定十五年齊侯衛侯次于渠蔭。
宋地。傳作蘧挈。杜曰：卽渠蔭。

一地三名

〔制〕 〔虎牢〕 〔虢〕

隱元年武姜爲叔段請制。隱五年鄭二公子以制人敗燕師于制北。
杜曰：制一名虎牢。鄭邑。 莊二十一年王與

鄭伯武公之略自虎牢以東。襄二年城虎牢。

昭元年晉趙武會諸侯之大夫于虢。
卽東虢之故國也。

〔衛〕 〔朝歌〕 〔殷虛〕

隱二年見經。
此文公以前之衛。 襄二十三年齊伐晉取朝歌。
朝歌故衛都後爲晉邑。竹書紀年謂之舊衛。 定四年命以康誥而封

于殷虛。
杜曰：殷虛朝歌也。

〔翼〕 〔絳〕 〔故絳〕

隱五年曲沃莊伯以鄭人邢人伐翼。莊二十六年士蔦城絳以深其宮。
詩譜：晉孝侯改絳爲翼。獻公復命爲絳。又成十八年晉人執厲公葬之于翼東門之外。時以新